

EDISOBO SODOM YE GOMORRAH

Genesis 18:20-33; 19:1-29

ỌYỌHỌ UKPEP-ŃKPỌ 10

Eke Mkp̄arawa

IKỌ IBUOT: “Koro ńkpọ-eyen-utom idiok-ńkpọ edi mkpa, edi enọ Abasi edi nsinsi uwem ke Christ Jesus Ọbọń nnyin” (Nw̄ed Mbon Rome 6:23).

Ebiere Ikpe Idiok-Ńkpọ

Abasi edi edisana Abasi, Enye okonyuń obot owo man edi edisana. Enye ama anam isọń asana onyuń eye, ndien idaresit ama odu ke ererimbot.

Edi idiok-ńkpọ akada unana inemesit edi. Idiok-ńkpọ akada udońọ ye kpukpru oruk mfuhọ edi. Uduot owo ama akabare abiara. Mbiara uduot owo ama ọwọrọ owut idem ọtọńode ke ini Adam ọkọduode. Idem ekpri eyen-ọwọń owowut idińọ iyaresit; ndien nte owo akade iso okpon, ntre ke enye owut uduot idiok-ńkpọ esie, edieke enye miyakke esit esie inọ Jesus. Edi Abasi اساسا idiok-ńkpọ.

Ke ini ke ini, Abasi ekesinọ ubierikpe etiene Israel ke adańemi mmọ enamde idiok-ńkpọ. Kpukpru idiok-ńkpọ eke owo anamde, edieke enye mikabakere esit, enyene ndida ubiom-ikpe ye akamba ufen ndi. “Ọbọń ọmọfiok ndinyańa mmọ emi eteńede Enye nsio ke idomo, ndinyuń mmum mme idiok owo nnim ke itie ufen, tutu osim usen ikpe” (2 Peter 2:9).

Mme Idiok-Ńkpọ Sodom

Mme idiok-ńkpọ Sodom ye Gomorrah ema enyene ndik eti-eti. Mmọ eketọńọ ke “iseri, ke uyuhọ udia, ye ata ifure. . . ndien enye isọńke eyen ukut ye ubuene ubọk” (Ezekiel 16:9). Ndusuk emi itiehe nte ata akpan idiok-ńkpọ ke enyin nnyin, edi mmọ emada idiok-ńkpọ eke ekponde ekan edi. Ubọk owo ifu esinam ibak. Abasi oyom nditọ Esie enam ńkpọ enọ Enye ke ofuri esit ekonyuń ebiat ini mmọ. Satan ekeme ndinam utom ke idem mbon idiok itọń ye iseri, emi misukke ibuoť inọ nti item. Mbon ntań-idem edi mme ama-idem, inyuń inyeneke esit mbọm ndińwam mmọ emi eyomde uńwam. Mme idiok-ńkpọ Sodom oro ema eda mme idiok-ńkpọ efen edi; ndien Abasi ama ọdọhọ mbon oro ete, “Mmọ ekok idem, enyuń enam mbubiam ke iso mi” (Ezekiel 16:50).

Mme owo iwakke nditie ńkere ete ke mme imọ imanam akwa idiok-ńkpọ ke iso Abasi. Ke akpanikọ ediwak owo edomo ndidip mme ufan mmọ mme enyene ndik idiok-ńkpọ mmọ. Edi Abasi okut mmọ kpukpru. “Edi ńkpọ iduhe emi efukde fuk, eke midiyarakere; ńkpọ inyuń iduhe eke edipde dip, eke owo midifiokke” (Luke 12:2). “Koro Abasi eyekot kpukpru ńkpọ emi enamde edi ikpe, ọkọrọ ke kpukpru ndibe-ndibe ńkpọ, edide eti, enyuń edide mme idiok” (Ecclesiastes 12:14).

Mbọm Abasi

Ke ini Abasi okokutde idiok-ńkpọ Sodom ye Gomorrah, Enye ama ebiere ndisobo mmọ. Edi Enye ama ebem iso etiń ọńọ Abraham ufan esie abańa se iyomde nditibe. Eyen-eyen-eka Abraham, Lot, okoduń do, ke ntre Abraham ama otim oyom ndifiok se iditibede ye mbon obio oro.

Lot okoduń ke Sodom sia enye ekemekde ndidu do, ke ini enye emekde ndida una-isọń Jordan emi mmọń awakde ke esit, nnyuń nkpọń ńkań obot-obot emi ọyọhọde ye itiat nńọ eyen-eka ete esie. Edi Abraham okosuk amama enye, onyuń ọbọń akam ọńọ Abasi ete efen obio oro ke ntak ndinen owo. Nte Abasi ididahakedo inọ obio oro ke ntak ndinen owo aba ye duop? Abasi ọbọrọ ete “Mma ńkut edinen owo aba ye duop, ke Sodom ke esit obio, nyedahado nńọ ofuri ebiet mbańa mmọ.” Edi Abraham ama okop ndik mbak ndusuk mmọ iwakke ntre. Nte Abasi eyedahado ọńọ mmọ ke ntak owo aba, mme edip ye duop, mme idem owo duop? Ih, Abasi ama ọńwọńọ ndidahado nńọ obio oro ke ntak ndinen owo duop. Edi ndinen owo emi ewakde esim duop ikọduhe.

Edika Mme Angel

Angel iba ekedi ke Sodom ndise Lot, edi mmọ ekedi ke mbiet owo, ndien Lot ikọfiokke ite mmọ edi mme angel. Enye eketie ke inua-otop obio ndusuk ndikpe edinen ikpe nńọ mme idiok owo emi enye okoduńde ke otu mmọ. Apostle Peter ọdọhọ ete ke enye ekesikop mfuhọ abańa mbukpo nneme ye edinam

mbukpọ ido mme idiok owo emi enye okoduñde ke otu mmọ. Enye ama añwana ndiwut mmọ eti usuñ edinen ido, edi mmọ ema esin ndikop uyo esie.

Ke ini Lot okokutde mme angel nte edukde ke obio, enye onuk ibuat okpono mmọ. Enye ama okut ete ke mmọ edi ndinen owo, inyuñ ibuanake ke idiok-ñkpọ Sodom. Enye ama okot mmọ ewaha ke ufok esie, onyuñ ofon ido ye mmọ nte enye ekekemedede. Edi ke akpa ifet mme angel oro ikonyimeke nditiene enye, edi ke ini Lot eyirede, mmọ ema etiene enye enyuñ edañ ye enye ofuri okoneyo oro.

Andiwet Ñwed Mme Hebrew okonọ mme Hebrew emi edide nditọ Abasi item ete: “Ekufre ndikama isen owo, koro ndusuk owo ema esaña ntem eda mme angel eduk ufok, idiñoke” (Mme Hebrew 13:2). Eketiñ emi ebaña Lot. Ke ini enye akadade mme owo emi aka ufok esie, ikofioke ite ke mmọ ekedi mme angel Abasi emi ekedide ndida enye ñworo ke obio, mbemiso esobo obio oro.

Ke ini ndiọ mbio-obio oro ekecutde nte Lot akamade nti owo emi isen ke ufok esie, mmọ eyom usuñ ndinam mmọ idiok. Mmọ enam ndutime ke enyin-usuñ ufok Lot ete enye osio mme isen owo oro onọ mme imọ. Edi mme angel eduri Lot esin ke ufok, enyuñ enam enyin okim ndiọ owo oro, ñkpri ye ikpọ, ntre mmọ ikemeke aba ndikut enyin-usuñ ufok. Osuk etie nte kpukpru oruk owo ke Sodom ekedi ndiọ owo, ñkpri ye ikpọ, enyene-ñkpọ ye ubuene, ñkani owo ye mkparawa. Ke akpanikọ mmọ ema edot ndibọ ubierikpe.

Unana Ñkop Item

Mme angel ema edon Lot aka ke ufok mme ebe nditọ iban esie, okotot mmọ ete ke ubierikpe ke edi yak mmọ ebọho ye uwem. “Edi enye etie nte owo abiaña ke enyin ukot esie.”

Ubierikpe eyesop ndisim ererimbot emi usen kiet, ndien ata nditọ Abasi ke edomo ndikpe mme owo ubok ete ekpon idiok-ñkpọ enyuñ eyom ubọho ke idak iyip Jesus. Owo ekededi ekeme ndibọho nsobo edieke enye akabarede esit okpon idiok onyuñ ebeñede Jesus ete efen onọ imọ.

Edi ekese owo ebat ntot ke abiaña ubierikpe emi edidide nte ikpikpu mbuk, kpa nte mbio Sodom ekebatde, mmọ ke edoho ete “Eridi eke Enye okonwoñode ete iyedi enye? Koro toño nte mme ete ekede idap, kpukpru ñkpọ etie kpasuk nte eketiede toto ke eritono ererimbot” (2 Peter 3:4). Edi Peter anam nnyin ifiok ite ke Abasi iduonke ke erinam enwoñ Esie, ndien Iko Esie eyeworo osu. “Usen Qbon edibuat nte ino; ke usen oro ikpa-enyoñ eyebe efep ye akamba uyom, se edade ebot ererimbot eyenyuñ etara ke okposon ufiop, ndien ison ye kpukpru utom eke enamde ke esit eyeta ikañ ebiara” (2 Peter 3:9, 10).

Mme ukot Lot, emi ekekerede ete Lot ababiaña mme imọ ekesuhọ ke obio oro ye iban mmọ, ndien ikañ ama ata mmọ kpukpru.

Ediye Usen Ubok

Ke eyo esierede, mme angel oro enyik Lot, ete, “Daha ke enyoñ, da ñwan fo, ye nditọ iban fo iba emi edude mi; mbak edisobo fi ke idiok ido obio emi.” Kpa ye oro, Lot ikosopke idem idaha. Enye akananam ikwe ikañ ye brimstone edepde oto ke Obio-Abasi; ntak idem ekpenyekde enye idahemi? Edi ana nte etibe, ndien edieke mme angel oro mikpokomumke enye ubok iduri isio, ekpesobo enye ye ndiọ owo oro. Enye okobohọ ye uwem esie oto ke mbom Abasi.

Nnyin ikpakam iberede usuñ esit nnyin ino mme ntot emi etode ke Iko Abasi. Iko Abasi edi akpanikọ, ndien ke ini kiet ekededi, Qbon ekeme ndikot adaña owo emi etiede ebet eridi Esie etiene Enye. Qbon akpakam añwam nnyin nditie mkpeme, nnyuñ mbet eridi Esie, man nnyin ikutiene ibuana ke Akwa Ukut.

Mme angel ekedoho Lot efehe aka ke obot, onyuñ aka anyan okpon ebiet nsobo, edi Lot ekebeñe ndidu ke ekpri obio emi ekotde Zoar. Mme angel ema etono ntak etua enye mbom enyuñ eyak enye eno usuñ esie.

Ke ini Lot okosimde Zoar, utin ama asiaha onyuñ akabare ebiet ediye usen. Idiok enyoñ, mme ekim ikoduhe ke ikpa enyoñ. Idiño ndomo kiet ikoduhe ndiwut nte ke nsobo ke edi. Usen emi okonyuñ etie nte mme usen eken. Ke unana idorenyin, enye otono ndidep ke Sodom ye Gomorrah, edi ikedighe mmọñ. Ikañ ye brimstone ekedep ebe ke obubit enyoñ ye nsuñ-ikañ, ndien obio ye mme andiduñ ke esit, ye se itibede ke ison eketa ikañ enyuñ ebiara. Baba ñkpọ kiet ikosuhọke ye uwem ke esit. Enim ke akpanikọ ete ke Inyañ emi ekerede Dead Sea ofuk ebiet emi mme obio emi ekedude, ndien baba odu uwem ñkpọ ndomo kiet iduñke ke inyañ oro. Ubierikpe Abasi ama osim Sodom ye Gomorrah ke akpatre.

Adaha Inuñ

Mme angel ema ebebem iso etiñ enọ Lot ye ufọk esie ete mmọ ekuwọñode enyin mmọ ese edem, edi ñwan Lot ama otut utọñ. Enye ama enyene ekese ufan ke otu ndiọi owo oro. Ndusuk, enye ekekere abaña mme otut-utọñ nditọ esie emi enye ọkọkpọñde ke edem. Ntre, enye ọkọwọñode ese edem onyuñ akabare edi adaha inuñ. Ema ebuk mbuk emi ke ata ediwak isua emi ekebede; ke idem ini emi ekewetde mbuk emi, adaha inuñ oro okosuk ododu nte ñkpọ eriti ke abaña ubierikpe ọnọ mbon ntut-utọñ.

Akwa ubierikpe ke edi, emi edikponde akan eke Sodom ye Gomorrah, ọnọ mmọ emi esinde mme ukpep-ñkpọ Jesus. Jesus ọkọdọhọ ete, edieke mme andiduñ ke mme obio emi ekpekeikutde mme ikpọ utom emi Enye akanamde ke Capernaum, mmọ ekpekabare esit, ikponyuñ isoboke mmọ. Edieke Abasi okosobode ndiọi owo emi mikokopke ukwọrọ-ikọ Jesus, mmọ emi ekopde ndien idaha ke baba ñkpọ kiet, edidot ndibọ ufen adaña didie? Mfin emi, kpukpru nnyin imenyene ifet ndikop mme ukpep-ñkpọ Jesus. Nnyin ikpakam ikop item, inyuñ ida uwem nnyin inam asaña nte Ikọ Esie etemedede, man ibọhọ ubierikpe emi Abasi edidọñde inọ mme andisin Christ. Enye eyetañ ikọt Esie ọnyọñ Ufọk mbemiso ukut ye ndutuhọ osim akani ererimbot emi.

MME MBUME

- 1 Nso idi ntak emi akanade esobo Sodom?
- 2 Anie owo okoduñ ke Sodom? Nso ebuana ke enye ekenyene ye Abraham?
- 3 Nso oruk akam ke Abraham ọkọbọñ ọnọ Abasi ke ini emi enye okokopde ete ke emọñ ebiat obio oro?
- 4 Lot akanam didie ye mme Angel emi ekekade Sodom?
- 5 Nso ke Apostle Paul etiñ ọnọ nnyin abaña edikama isen owo?
- 6 Mme ebe nditọ Lot ekebọ didie etop nsobo oro?
- 7 Nso ikotibe inọ mmọ?
- 8 Nso ikotibe inọ ñwan Lot?
- 9 Usen nsobo oro eketie didie?
- 10 Nso ikedi ubierikpe Sodom ye Gomorrah?